

UN PUBLICO GRANDI A GOZA DI UN ANOCHI CARIBEÑO ...

** Un publico grandi a sinta disfruta diamars ultimo den Cas di Cultura di e fabuloso espectáculo "Un Anochi Caribeño cu Carlos Bislip y su Amigonan".

Esaki ta e di dos exitoso concierto cu Carlos Bislip a organiza, na unda e biaha aki tabatin como invitado e trompetista virtuoso y cono-ci denter e genero di musica latino Luis "Perico" Ortiz. Tambe un biaha mas e pianista/violinista Jose Mariano Morales, a comparti escenario cu nos musico-nan.

E constelacion di musico local kendenan cada uno a duna un tremendo demostracion riba na instrumento, tabata forma pa Delbert Bernabela riba sax, Lucio Rivadeneira riba sax, Franklin Granadillo riba trompet, Fio Wester como percusionista, Ivan Quandus riba bajo, Johnny Croes riba piano y Pedro Velasquez riba conga.

E grandioso publico a ser deleita pa dos ora di concierto cu un repertorio constitiendo di e dushi musica caribense manera e.o; wals, tumba, calypso, salsa, rumba y bolero. Tur e

teman cu a ser presenta tabata piesanan original compone y aregla pa e musiconan; Johnny Croes, Delbert Bernabela, Carlos Bislip, Ivan Quandus y uno di Mariano Morales.

E anochi maravilloso aki por ser considera den uno sumamente exitoso, na unda

e publico por a releha y disfruta di un repertorio musical presenta pa musiconan di caliber halto.

Un pabien grandi ta bay pa Carlos Bislip y tambe na tur e musiconan cu a forma parti di e tremendo anochi Caribeño aki...



DEN AMBIENTE

